

19
5. maí

Reglugjörð

fyrir sparisjóði.

Samkvæmt lögum um sparisjóði 3. nóvember 1915 eru settar eftirfarandi nánari reglur um starfrækslu sparisjóða.

I. kafli.

Um bókfærslu sparisjóða.

1. gr.

Við hvern sparisjóð skulu haldnar bækur þær, er hjer segir:

- a. *Tvær sjóðbækur* — *eður sjóðbók í tvennu lagi* —, er fjehirðir sjóðsins ritar í allar greiðslur í sjóðinn og úr honum.

Sjóðbækurnar eru þessar:

1. *Sjóðbók fyrir innlög*. Skal í þá bók skrá öll innlög í sjóðinn og innstæðufje það, sem úr honum er greitt. Skal svo telja saman öll innlögin og útborgað innstæðufje fyrir hvern dag um sig og færa upphæðina samanlagða í aðalsjóðbókina, tekju og gjaldamegin.
2. *Aðalsjóðbók*. Í þá bók skal skrá upphæðir innlaga og útborgaðs innstæðufjár á þann hátt, sem greint hefir verið, svo og einnig allar aðrar greiðslur í sjóðinn og úr honum. Geta skal þar jafnframt nafns þess, sem greiðslan er fyrir, svo og einkennistölu þeirrar, er hver greiðsla fær.

Telja skal saman í aðalsjóðbók bæði tekju og gjaldamegin allar greiðslur í sjóðinn og úr honum hvern dag, er afgreiðsla hefir farið fram, þannig að jafnan megi sjá hverri upphæð sjóðforðinn nemur við lok hvers afgreiðsludags.

- b. *Dagbók* er bókarí sjóðsins ritar í upphæð hvernar þeirrar fjártegundar, er daglega er lögð í sjóðinn. eður úr honum greidd.

Bók þessa skal einnig gjöra upp á hverjum degi, og skal þess gætt, að upphæðunum beri saman við sjóðbækur fjehirðis.

Sje bókarí eigi viðstaddur, skal sá, er störfum gegnir í hans stað, eða þá fjehirðir — ef eigi er annar starfsmaður við afgreiðsluna en hann einn — rita greiðsluna í bók þessa.

- c. *Innstæðubók*, er rita skal í nöfn allra þeirra, er fje leggja í sjóðinn til geymslu, skal hver innstæðueigandi um sig fá dálk í bók þessari, með sjerstakri einkennistölu, hinna sömu og rituð er á viðskiftabók hlutaðeiganda. Skal greinilega skráð hver upphæð sú er, sem hann leggur í sjóðinn eða tekur úr honum, og hver innstæðuupphæðin er, að því loknu.

Í bók þessa skulu einnig skráðir vextir af innstæðufjenu.

19

- d. *Lánabók*. Skal í þá bók rita öll lán úr sjóðnum. Hefir hvert lán einkennistölu og dálk útaf fyrir sig; skal þar tilgreint, hver sje lántakandi, hver tryggingin sje fyrir láninu, og hver upphæð þess sje. Þar skal jafnframt rita greiðslu afborgana og vaxta af láninu.

5. maí

Flokka skal lánin eftir tryggingu þannig, að hver tegund lána sje flokkur útaf fyrir sig. Fasteignaveðslán sjeu A flokkur, hvert lán með áframhaldandi einkennistölu, sjálfsskuldarábyrgðarlán, B-flokkur og handveðslán svo og lán gegn annari tryggingu C-flokkur.

Hafi sparisjóður tekið lán hjá öðrum, skal einnig rita þau í bók þessa í kafla útaf fyrir sig. Skulu lán þessi skráð á sama hátt og lán þau, er sjóðurinn hefir öðrum veitt.

- e. *Víxlabók*, er rita skal í víxla þá, er sparisjóðurinn kann að kaupa, skal hverjum víxli gefið áframhaldandi tölueinkenni.
- f. *Reikninga og eignabók*. Í bók þessa skal rita reikninga sjóðsins við hver áramót.

Einnig skal í bók þessa rita nákvæma, sundurliðaða skrá yfir allar eignir sjóðsins, svo sem verðbrjef, innieignir í bönkum eða hjá öðrum sparisjóðum o. fl., svo og skrá yfir helstu áhöld sjóðsins og innanhússmuni.

- g. *Skuldbindingabók*. Í bók þessa skal rita alla skuldunauta sjóðsins og sjálfsskuldarábyrgðarmenn svo og nöfn þeirra, er ritað hafa á víxla þá, er sjóðurinn kann að kaupa. Skal þetta ritað þannig í skuldbindingabókina, að skuldbindingar hvers einstaklings um sig sjáist glögt og greinilega.
- h. *Innheimtubók* skulu þeir sparisjóðir haldað, er taka að sjer innheimtur fyrir banka eður aðra á víxlum, ávísunum eður öðrum kröfum. Í þeirri bók skal hver sá, sem innheimt er fyrir, fá sjerstakan dálk.
- i. *Aðalbók*. Í þeirri bók skal hver viðskiftaflokkur hafa dálk útaf fyrir sig, og sje samanlögð upphæð hverrar viðskiftagreinar, tekju og gjaldamegin, færð í bók þessa, á hlutaðeigandi dálk, í lok hvers mánaðar fyrir þann mánuð, sem þá er að líða.
- j. *Gjörðabók* er í sjeu skráðar ályktanir stjórnar sjóðsins um lánveitingar, láns-synjanir, lántökur og annað slíkt.

Í bók þessa skulu einnig skráðar ályktanir þær, sem gjörðar eru á fundum, er haldnir eru af stjórn sparisjóðsins og ábyrgðarmönnum eður öðrum þeim, sem að sjóðnum standa.

- k. *Nafnaskrá* (registur) skal haldin við bækur þær, sem ræðir um í stafl. c, d, g, h og i hjer að framan.

Þar sem því verður viðkomið skal halda spjaldskrá yfir nöfn allra innstæðueigenda í sjóðnum (sbr. stafl. c).

2. gr.

Sjerhverja greiðslu í sjóðinn og úr honum skal tafarlaust skrá í sjóðbækur sjóðsins og dagbók, svo og aðrar þær bækur, sem greiðslan á heima í.

- 19** Greiðslu afborgana og vaxta af lánum skal jafnframt rita á hlutaðeig-
5. maí andi skuldabréf.

Afborgun af víxli skal einnig tafarlaust skráð á víxilinn.

3. gr.

Allar bækur sjóðsins skulu skýrt og greinilega skráðar og allar fjárhæðir þannig ritaðar, að enginn efi geti á því leikið, hver upphæðin sje.

Sje einhverri tölu breytt, sakir skakkrar innfærslu, skal breytingin þannig gjörð, að sjá megi hverju breytt hafi verið.

Dagsetningar sje greinilega getið við hverja einstaka greiðslu.

4. gr.

Aldrei má greiða neina upphæð af sparisjóðsinnstæðufje nema því að eins, að viðskiftabókin sje sýnd, og skal þá upphæðin jafnframt skráð í viðskiftabókina. Skulu starfsmenn sjóðsins gæta þess nákvæmlega, að þetta sje rjett gjört og skulu í því skyni í hvert sinn bera greiðslu þá, sem skráð er í viðskiftabókina, saman við fjárhæð þá, sem samtímis er skráð í bækur sjóðsins.

Þegar innlögum er veitt móttaka, án þess viðskiftabók sje sýnd, skal gefa sjerstaka kvittun fyrir innlögunum, og skal þess getið í kvittuninni, að hún sje ekki gild lengur en þangað til upphæðin verður rituð í viðskiftabók innstæðueiganda; en það skal gjört næst, þegar viðskiftabókin er sýnd í sparisjóðnum.

Þess skal ennfremur getið á hlutaðeigandi dálk í innstæðubók og í sjóðbókinni, um leið og greiðslan er þar skráð, að viðskiftabókin hafi eigi sýnd verið, en aðeins sjerstök kvittun verið gefin. Við samanburð innstæðubókar og viðskiftabókar, þegar hún er sýnd næst á eftir, skal það svo athugað, að innlögin sjeu skráð í viðskiftabókina, en kvittunin sje ógild orðin.

5. gr.

Vextir af sparisjóðsinnstæðufje skulu vera reiknaðir út að fullu og færðir í bækur sjóðsins við lok hvers árs. Í innstæðubókinni skulu vextir hvers innstæðueiganda þá lagðir við höfuðstól á hlutaðeigandi dálk.

Í fyrsta sinn og viðskiftabók er sýnd eftir nýjár, skulu vextirnir færðir í hana og skal þess þá nákvæmlega gætt, að upphæð innstæðufjár, að meðtöldum vöxtum, í viðskiftabókinni beri saman við það, er innstæðubókin telur.

Þó svo kunni til að bera, að skekkja finnist í vaxtareikningi eftir að vextirnir hafa verið skráðir í innstæðubók, má eigi breyta hinni skráðu vaxtaupphæð, en leiðrjetting á skekkjunni skal gjöra þegar hún uppgötvast, á þann hátt, að skrá þá mismuninn, er jafnframt færist sparisjóðnum til reiknings í innstæðubókina og í viðskiftabókina, næst þegar hún verður sýnd.

6. gr.

19

5. maí.

Allar bækur sparisjóða, veðbrjef og skuldabryf, svo og víxla, veðbrjef og önnur slík verðmæt skjöl, sem í vörslum sparisjóðs eru, skal jafnan geyma í eldtryggri hirslu eða hirslum, og skal þess nákvæmlega gætt, að slíkri hirslu sje jafnan lokað á hverju kvöldi þegar í hana hefir verið látið það af slíkum plöggum, er nota hefir þurft þann og þann daginn.

Sjóðforði sparisjóðs skal einnig geymdur á eldtryggum stað, á sama hátt.

7. gr.

Skyld er sparisjóðum jafnan að haga bókfærslu sinni eftir þeim fyrirskipunum og fyrirmyndum er stjórnarráðið setur. Einnig skulu sparisjóðir jafnan nota slík skuldabryfseyðublöð og önnur skjöl, sem stjórnarráðið ákveður fyrirmyndir af.

II. kafli.

Um reikninga sparisjóða.

8. gr.

Reikningsár sparisjóða skal vera frá nýjári til nýjárs, og skal ársreikningur hvers sparisjóðs vera saminn fyrir marsmánaðarlok.

9. gr.

Ársreikningur hvers sparisjóðs skal vera þannig gjörður að af honum sjáist glögt:

1. Hversu mikið alls hafi verið greitt í sjóðinn og úr honum á árinu. Skal í því efni saminn reikningur yfir allar innborganir í sjóðinn og útborganir úr honum og sje þar í greint, hver sjóðforðinn hafi verið í ársbyrjun og hver í árslok.
2. Hverjar tekjur sjóðurinn hafi haft af starfi sínu á árinu og hver útgjöld hans hafi verið; einnig skal tilgreina tap það, er hann kann að hafa beðið á árinu. Skal í þessu skyni semja reikning yfir ábata og halla sjóðsins.
3. Hverjar sjeu eignir sjóðsins í árslokin og hverjar skuldir eður skuldbindingar þá hvíli á honum. Til þess að þetta sjáist sem gleggst, skal semja nákvæman efnahagsreikning fyrir sjóðinn, eins og hagur hans stóð í árslok.

10. gr.

Semja skal við hver árslok sundurliðaða skrá yfir inneign allra innstæðueigenda, að meðtöldum vöxtum. Skal tala innstæðueigenda (viðskiftabóka) nákvæmlega sjást af skrá þessari.

19 Einnig skal semja sundurliðaða skrá yfir öll lán þau, er sjóðurinn á úti-
5. maí standandi, bæði fasteignarveðslán, sjálfsskuldarábyrgðarlán og handveðslán. Skál
semja sjerstaka skrá yfir hvern flokk lánanna. Skrár þessar skulu bera með
sjer, fyrir hvaða tímabil vextir eru greiddir af hverju einstöku láni, svo að
glögt sjáist hversu mikið er greitt fyrirfram af vöxtum og eins af hverjum lán-
um vextir eru vangoldnir.

Ennfremur skal semja sundurliðaða skrá yfir víxla þá, er sparisjóður kann
að eiga í árslok og eigi eru innlestir. Gjalddagi víxlanna sje tilgreindur
á skránni.

A öllum þessum skráum skal geta nafns hvers innstæðueiganda, eða lán-
takanda, svo og einkennistölu.

Loks skal semja sundurliðaða skrá yfir allar aðrar eignir sjóðsins, þær
er til reiknings eru færðar, svo og yfir skuldir þær, sem hann er í við aðra.

11. gr.

Stjórnarráðið lætur sparisjóðum í tje fyrirmyndir fyrir reikningum spari-
sjóða, og er sparisjóðum jafnan skylt að hafa reikninga sína í því formi, sem
fyrirmyndir þessar sýna.

III. kaflí.

Um endurskoðun á reikningum og bókum sparisjóða.

12. gr.

Til að rannsaka reikninga sparisjóðs og bókfærslu alla skal velja 2 end-
urskoðunarmenn. Skulu ábyrgðarmenn sparisjóða kjósa endurskoðunarmennina
til tveggja ára í senn. Á hverju ári gengur þó annar endurskoðunarmaður-
inn frá, í fyrsta sinn eftir hlutkesti. Endurkjósa má endurskoðunarmann þann,
er frá á að fara. Kjósa skal 1 mann til vara, og gengur hann í stað hinna
kosnu endurskoðunarmanna í forföllum annarshvors þeirra.

Heimilt er að hlutaðeigandi sýslunefnd kjósi endurskoðunarmenn og vara-
mann í stað ábyrgðarmanna sjóðsins, eftir sömu reglum og settar eru í grein
þessari hjer að framan, ef svo er ákveðið í lögum sparisjóðs.

13. gr.

Tilkynna skal það stjórnarráðinu hverjir sjeu kosnir endurskoðendur
sparisjóðs.

14. gr.

Skyt er endurskoðendum að rannsaka sjóðforða sparisjóðs eigi sjaldnar
en einu sinni á hverjum ársfjórðungi.

Jafnan skulu endurskoðendur eiga frjálsan aðgang að öllum bókum, verðbrjefum og öðrum skjölum sjóðsins, hvenær sem þeim þykir henta, til eftirlits, hvort heldur eru báðir í einu, eða hvor um sig. Einnig eiga þeir rjett á að rannsaka sjóðforða sparisjóðs svo oft, er þeim þykir þörf á. 5. maí 19

15. gr.

Endurskoðendum er skylt að hafa nákvæmt eftirlit með allri bókfærslu sparisjóðs og gefa gætur að því, að þar sje alt í reglu og að gætt sje allra þeirra fyrirsmæla, er þarum gilda. Ber þeim gaumgæfilega að rannsaka að allar greiðslur í sjóðinn og úr honum sjeu rjett tilfærðar í bókum sparisjóðsins. Skulu þeir benda á ef eitthvað er athugasavert, svo að úr því verði tafarlaust bætt.

16. gr.

Ársreikning sparisjóðs skulu endurskoðunarmenn rannsaka þegar eftir að hann er saminn og skulu þeir hafa lokið því starfi sínu fyrir aprílmánaðarlök. Rita þeir síðan á reikninginn vottorð sitt um að endurskoðun reikningsins sje lokið. Reikningurinn með athugasemdum endurskoðenda skal síðan lagður fyrir aðalfund til úrskurðar, eður fyrir hlutaðeigandi sýslunefnd, ef svo er ákveðið í lögum sjóðsins.

17. gr.

Verði ágreiningur milli endurskoðenda sparisjóðs og stjórnenda um einhver þau atriði er tilhögun á reikningsfærslu sparisjóðs eður bókfærslu snerta, og þeir koma sjer eigi saman, skulu endurskoðendur leggja málið fyrir stjórnarráðið til úrlausnar.

Eins skal farið ef endurskoðendur komast að raun um, að rekstur sparisjóðsins sje ekki að öllu leyti lögmætur og í fullu samræmi við framannefnd lög um sparisjóði svo og reglugjörð þessa og önnur gildandi fyrirsmæli, og stjórn sparisjóðsins bætir eigi tafarlaust úr því, sem ábótavant er.

18. gr.

Ákveða skal þóknun handa endurskoðendum fyrir starf þeirra um leið og þeir eru kosnir.

Í stjórnarráði Íslands, 5. maí 1917.

Sigurður Jónsson.

Jón Hermannsson,

19 Sjóðbók fyrir innlög.

5. maí.

Innlög.

Dags.	Nöfn innstæðueiganda	Einkennis- tala á við- skiftabók	Upphæðir	
			kr.	a.
1917				
April 30.	Jón Hannesson	14	28	00
— —	Páll Hallsson	9	140	80
— —	Sumardagurinn fyrsti	10	50	00
			218	80
Maí 4.	Guðný Lárusdóttir	41	5	40
— —	Hinrik Loftsson	19	10	95
— —	Þórður Sigurðsson	43	240	00
			256	35

Útborgað.

19
5. maí.

Dags.	Nöfn innstæðueigenda	Einkennis- tala á við skiftabók	Upphæðir	
			kr.	a.
1917				
Ágúst 30.	Magnús Guðmundsson	27	30	00
— —	Sigfús Pjetursson	31	40	00
— —	80 + 35	15	3	00
			73	00
Mai 4.	Verslunin á Njálsgötu 16	63	200	00
— «	Sigríður Hannesdóttir	18	10	00
— «	Hannes Jónasson	4	35	70
			245	70

19 Aðalsjóðbók.

5. maí.

Innborgað.

Dags.	Hvað greitt er	Einkennis- tala	Upphæð	
			kr.	a.
1917				
Ágúst 30.	Í sjóði		1638	60
— —	Sparisjóðsinnlög alls		218	80
— —	Afborgun af fasteignarveðsláni Halldórs Sigurðssonar	A 14	430	00
— —	Vextir af sama láni $\frac{5}{5}$ 17— $\frac{5}{5}$ 18 . . .	« 14	45	00
— —	Vextir af handveðsláni Pális Jóhannssonar	C 5	25	00
— —	Sjálfsskuldarábyrgðarlán Hans Guðmunds- sonar endurborgað	B 20	250	00
— —	Vixill Gísla Árnasonar innleystur . . .	V 13	100	00
— —	Innheimtulaun frá Landsbankanum . .		3	40
— —	Sömul. frá Íslandsbanka		5	87
			2716	67

Útborgað

19

5. maí.

Dags.	Hvað greitt er	Einkennis- tala	Upphæð	
			kr.	a.
1917				
Ágúst 30.	Greitt sparisjóðsinnstæðufje		73	00
— —	Laun fjeðirðis fyrir apríl		40	00
— —	Laun bóðara		20	00
— —	Sjálðsskuldarábyrgðarlán Bjarna Árna- sonar.	B 27	400	00
— —	Fasteignarveðslán Ármanns Pjeturssonar	A 19	600	00
— —	Vixill á Helga Danielsson	V 16	170	00
— —	Sent innheimtufje til Landsbankans . .		338	55
— —	Sömul. til Íslandsbanka		530	04
— —	Keypt frimerki		9	60
— —	Í sjóði		535	48
			2716	67

1917

74

19 Dagbók bókara.

5. mai

Innborgað

[illegible]

19 Innstæðubók. Viðskiftabók Nr.

5. maí

Nafn Innstæðueiganda og heimili.

Dags.	Hverskonar greiðsla.	Innlög.		Útborgað innstæðufje.		Innstæðufje alls.		Vextir.		Ath.semdir
		kr.	a.	kr.	a.	kr.	a.	kr.	a.	
1917										
apríl 15.	Innl.	450	00			450	00	1	50	
maí 15.	Útborgað			150	00	300	00	2	50	
ágúst 1.	Innl.	100	00			400	00	5	33	Kv. gefin. Innf. 1/12 '17
desbr. 1.	Úttekið			45	00	355	00	1	18	
— 31.	Vextir ³¹ / ₁₂ '17	10	51			365	00	10	51	

Lánabók. Nr.

19
5. maí

Nafn lántakanda og heimili.

Lántöku dagur	Trygging lánsins.						Lánsupphæð. kr. a. 1000 00		
Greiðslu dagur	Hvað greitt er	Afborgun		Vextir				Eftirstöðvar af höfuðstól.	
		kr.	a.	Tímabil		Upphæð		kr.	a.
1918									
Mars 18.	Afborgun . . .	100	00					900	00
— —	—			8/3—	18/9 18	27	00		
— —	—			8/9 18	18/3 19	27	00		

19 Vífílbók.

5. maí

Einkennis- tala vífílsins	Hvenær vífíllinn er keyptur	Nafn útgefanda	Nafn samþykkjanda	Dagsetn. vífílsins
1.	1917: Maí 14.	Lárus Finnsson	Hallsteinn Árnason	1917: Maí 13.
2.	Maí 20.	Jón Magnússon	Guðm. Pjetursson	Maí 20.

Upphæð		Gjalddagi	Ábekingar	Hvenær innleystur
kr.	a.			
		1917:		
250	00	Ágúst 13.	Eiríkur Jónsson og Magnús Pálss.	13. ágúst 1917
300	00	Sept. 20.	Engir	4. ág. 17 afborg. 100 kr. } 20. sept. 17 afb. 200 kr. }

19 Skuldbindingabók (Obligabók).

5. maí

Nafn og heimili þess, sem skuldbundinn er.

Einkennis- tala á láni eða vixli.	Gjalddagi	Upphæð		Nafn á veði fyrir láninu eða mönnum, sem við skuldbind- inguna eru riðnir.	Hvenær borgað að fullu.
		kr.	a.		
Vixill 6	1917: okt. 4.	300	00	Sjálfur samþ. Útg. Hannes Þorsteinsson, 2 ábekingar	1917: okt. 4.
A 4	10 ára afborg.	1000	00	Veð: Brekka í Núpssveit	
B 35	1918: júní 4.	300	00	Ábm. með 2 öðrum fyrir Jón Pálsson	

Innheimtubók.

Nafn þess, sem innheimt er fyrir.

Einkennis- tala inn- heimt- unnar	Hvað inn- heimta á	Nafn greiðanda	Upphæð		Greiðslu- dagur	Hvenær sjóð- urinn sendir innheimtu- fjeð	Athugasemdir
			kr.	a.			
10	Víxill	Pjetur Ólafsson	1250	00	1917: nóv. 4.	1917: nóv. 12.	
11	Hleðsluskirteini	Andrjes Keilon	2552	98	— — 6.	— — 10.	£ 150—3—6 á 17/00

Sparisjóðs. árið 19...

19
5. maí

Útborganir		kr.	a.	kr.	a.
1.	Lán veitt:				
	a. gegn fasteignarveði.				
	b. gegn sjálfsskuldarábyrgð				
	c. gegn handveði og annari tryggingu .				
2.	Víxlar keyptir.				
3.	Útborgað sparisjóðsinnstæðufje:				
	Þarvið bætast dagvextir af ónýttum				
	viðskiftabókum.				
4.	Kostnaður við rekstur sparisjóðsins:				
	a. laun				
	b. annar kostnaður				
5.	Greitt af skuldum sjóðsins:				
	a. afborganir				
	b. vextir.				
6.	Útborgað innheimtufje				
7.	Ýmiskonar útborganir				
8.	Í sjóði 31. desbr. 19...				
	Alls				

19 Reikningur Sparisjóðs

5. maí

Tekjur		kr.	a.
1.	Vextir af ýmsum lánum*)		
2.	Forvextir af vixlum		
3.	Ýmsar aðrar tekjur		
Alls			

*) Hjer telst að eins sú vaxtaupphæð, sem áfallin er í árslok af lánum. Eins er um forvexti af vixlum.

yfir ábata og halla árið 19

19

5. maí

Gjöld		kr.	a.
1.	Reksturskostnaður:		
	a. Þóknun til starfsmanna kr.		
	b. Þóknun til endurskoðenda —		
	c. Önnur útgjöld (húsaleiga, eldiviður, ljós, ræsting, burðareyri o. fl.) . . . —		
2.	Vextir af skuldum sparisjóðs		
3.	Vextir af innstæðufje í sparisjóði.		
4.	Arður af sparisjóðsrekstrinum á árinu		
	Alls		

19 Jafnaðarreikningur Sparisjóðs

5. maí

Aktiva		kr.	a.	kr.	a.
1.	Skuldabréf fyrir lánum:				
	a. Fasteignarveðsskuldabréf				
	b. Sjálfsskuldarábyrgðarskuldabréf. .				
	c. Skuldabréf fyrir lánum gegn hand- veði og annari tryggingu				
2.	Óinnleystir víxlar				
3.	Ríkisskuldabréf, bankavaxtabréf og önnur slík verðbréf				
4.	Innieign í bönkum				
5.	Aðrar eignir				
6.	Ýmsir skuldunautar				
7.	Í sjóði				
	Alls				

31. desember 19 .

19
5. maí

Passiva		kr.	a.	kr.	a.
1.	Innstæðufje viðskiftamanna				
2.	Innheimt fje óútborgað				
3.	Skuldir við Landsbankann og Íslands- banka				
4.	Ýmsir skuldheimtumenn				
5.	Varasjóður				
Alls					